

ՀԱՅ ՄԵԾ ԵՐԳԻԾԱԲԱՆԸ

(Հակոբ Պարոնյանի մահվան 100-ամյակի առթիվ)

Գ. Ա. ՍԱՐԳՍՅԱՆ

1

Պարոնյանը բարձրացավ ժողովրդի ընդերքից: Նրան կյանքի կոչեց ժամանակը: Ապագա երգիծաբանը աչք բացեց արևմտահայ կյանքի փոթորկալ փուլում և հենց սկզբից հաղորդակից եղավ իրականության մեջ գործող գաղափարական հոսանքների միջև ծավալվող բուռն պայքարին: Տակավին երիտասարդ Պարոնյանը կողմնորոշվեց դեպի դեմոկրատական հոսանքը և կանգնեց պայքարի առաջին գծում: Դրանում վճռական դեր խաղաց Նալբանդյանի գաղափարակից ու մարտակից ընկեր Հ. Սըվաճյանը, որի անմիջական ազդեցությամբ «Մեղուի» էջերում Պարոնյանը ձևավորվեց որպես մարտնչող հրապարակախոս երգիծաբան: Այստեղ է, որ բացահայտվեցին կյանքի, ժամանակի հետ ունեցած նրա սերտ կապը, օրվա հրատապ հարցերին միջամտելու նրա ակտիվությունը, համարձակ ոգին, սրամտությունը, որոնք այնուհետև դարձան Պարոնյանի անհատականության բնորոշ գծերը:

Օժտված լինելով լրագրողի խառնվածքով ու փայլուն տվյալներով, Պարոնյանը այդ և հետագա տարիներին խմբագրեց ու հրատարակեց մի քանի պարբերականներ («Մեղու», «Թատրոն», «Թատրոն բարեկամ մանկանց», «Ծիծաղ», «Խիկար» և այլն), որոնք իրենց բովանդակությամբ ու խաղացած դերով կարևոր տեղ են գրավում հայ մամուլի պատմության մեջ: Դրանց էջերում տպագրած իր ֆելիետոններով, երգիծական մանրապատումներով ու հրապարակախոսական հոդվածներով Պարոնյանը ձեռք բերեց որոտնդոստ հռչակ որպես ժողովրդի շահերի համոզված պաշտպան:

Ժողովրդական գայրույթի ու ցասման հարազատ արտահայտիչ էր Պարոնյանը, որի շուրջը հետզհետե խտանում էր հալածանքի մթնոլորտ: Բավական է ասել, որ արևմտահայ կյանքում այնքան կարևոր դեր խաղացած «Թատրոն» երգիծաթերթը չորս տարվա ընթացքում փակվեց ութ անգամ: Եվ չնայած դրան, խմբագիրը երբեք չթուլացրեց իր նախաձեռնող ու պայքարող ոգին, շխտարհվեց բթամիտ մեծատունների և նրանց գաղափարախոսների առաջ: Այդ է, որ կատաղեցնում էր Պարոնյանի հակառակորդներին, որոնք ատելությունից մղված ամեն կերպ աշխատում էին խափանել նրա խմբագրած պարբերականները, փականք դնել նրա խայթող լեզվին: Բայց հրապարակախոս-երգիծաբանը երբեք չընկճվեց և մանավանդ չլռեց: Նա գտնում էր, որ «...լեզու ունենալ և ժողովրդյան իրավանց պաշտպանությունը համար շխտիլը համր ու Վասակ ըլլալ է»¹:

Այդ գիտակցությամբ էլ Պարոնյանը ոչ միայն շարունակեց իր հրապարակախոսությունը, այլև ոտք դրեց թատերգության ասպարեզ, նպատակ ունենալով թատրոնը ծառայեցնել ժողովրդի շահերին:

¹ Հ. Պարոնյան. Երկերի ժողովածու (տասը հատորով). Երևան, 1962—1979, հ. ԳՄԻ, էջ 356 (այսուհետև համապատասխան հատորն ու էջը կնշվեն տողամիջով):

Որպես թատերագիր Պարոնյանը իսկական նախադրյալ էր: Արդեն իր առաջին ապագրված երկով՝ «Ատամնաբույժն արևելյան» պիեսով (1868) նա նոր խոսք ասաց մեր թատրոնի ու թատերգության բնագավառում: Արձագանքելով Նալբանդյանի թատերագիտական հայացքներին՝ Պարոնյանը սկզբնավորեց արդիական կյանքը ճշմարտացիորեն արտացոլող, սոցիալական շեշտ ունեցող կատակերգությունը արևմտահայ հատվածում: Սունգուկյանի հետ միասին նա դարձավ հայ ռեալիստական թատրոնի և թատերգության հիմնադիրը:

Արժարժեցիկ արտաքուստ անմեղ թվացող ընտանեկան-կենցաղային հարցեր՝ Պարոնյանն իր կատակերգություններում («Երկու տերով ծառս մը», «Շողոքորթն», «Պաղտասար աղբար») հասավ սոցիալական այնպիսի լայն ընդհանրացումների, որոնց միջոցով բացահայտեց տիրող հասարակարգի բարոյական անանկությունը, բարքերի ալյաքերումը: Այդ տեսակետից բարձրարժեք գործ է հատկապես «Պաղտասար աղբարը», որը ոչ միայն հեղինակի թատերգության զուգարկունքն է, այլև համաշխարհային դրականության մեջ կատակերգական ժանրի յոհաբերից մեկը: Այն վաղուց ի վեր հաստատուն տեղ է նվաճել հայ թատրոնի խաղացանկում, դաստիարակելով հանդիսականների ու բեմի արվեստագետների սերունդները: Եվ դա շնորհիվ այն բանի, որ այդ կատակերգությունը ձևի ու բովանդակության զարմանալի հյուսվածք է, աչքի է ընկնում կառուցվածքի պարզությամբ, գործողությունների հարստությամբ և երկխոսության աշխուժությամբ: Պարոնյանը այստեղ սուր ծաղրի է ենթարկել կեղծիքի ու մերկ շահի վրա հյուսված ամուսնաբերական հարաբերությունների ողջ ալյանդակությունը և արդարության պահպանման կոչված մարդկանց պատհասապաշտությունն ու կաշառակերությունը:

Ճիշտ է, կատակերգության առանցքը Պաղտասարի ընտանեկան խնդիրն է, բայց այն հեղինակի համար առիթ է ցուցադրելու տիրող բարքերի ապականվածությունը, այլև վարչական մարմինների նեխվածությունը: Եթե Անուշի և նրա սիրեկան Կիպարի սատիրական բնութագրմամբ Պարոնյանը մերկացրել է «գարուս լուսավորության ոգին ըմբռնած» մարդկանց բարոյազրկությունը, ապա փաստաբան Օգսենի և դատաստանական խորհրդի անդամների կերպարներով բացահայտված են տիրող «արդարադատության» ներկայացուցիչների անսկզբունքայնությունն ու շահամոլությունը: Այդ բանը լավ է հասկացել Կիպարը, որը Անուշին հուսադրելու համար ասում է. «Նախապես անոնց յուրաքանչյուրի հետ մասնավոր տեսակցություն ունեցա և խոստացա գոհ ընել զիրենք» (I, 402):

Դժվար չէ հետևել, որ «խոստացածը» կաշառք է, որը և ընթացք է տալիս դատական գործին, արդարացնելով Անուշին ու Կիպարին և մեղապարտ ճանաչելով Պաղտասարին: Վերջինս անկարող լինելով հասնել արդարության, վերջիվերջո ստիպված է լինում եղելությունը համարել «թյուրատեսություն», ներել անհավատարիմ կնոջը և նոր ելք որոնել նրանից ազատվելու համար: Ու թեև վարագույրն իջնում է, բայց կատակերգությունը շարունակվում է կյանքում: Ահա, թե ինչպիսի վարպետությամբ է կառուցված այս պիեսը, որի անբռնազբոս ծաղրն ու ծիծաղը մեզ պատճառում է գեղարվեստական հաճույք:

Հենց դրանում է Պարոնյանի երգիծանքի ուժը, որ դրսևորվել է ինչպես հրապարակախոսության ու թատերգության մեջ, այնպես էլ երգիծական դիմանկարի, վիպակի, նովելի, օրագրության, ֆելիետոնի և այլ ժանրատեսակներում: Նա կատարելապես տիրապետում էր երգիծանքի ամենատարբեր ձևերին ու տեսակներին և այդ ամենը հմտորեն ի սպաս էր գնում ժողովրդի սոցիալ-քաղաքական պայքարին:

Լինելով հայ սոցիալական երգիծաբանի սկզբնավորողը՝ Պարոնյանը քայլել է իր ժամանակի հետ և արտացոլել իրականության բնորոշ երևույթները: Դրա առավել ցայտուն արտահայտություններն է «Ազգային ջոջեր» դիմա-

նկարների շարքը, որն իր հղացման ինքնատիպությամբ ու գեղարվեստական ընդհանրացումների խորությամբ պատվավոր տեղ է զբաղում համաշխարհային երգիծական գրականության մեջ: Պարոնյանն այստեղ սատիրական ծաղրով պատկերել է իրեն ժամանակակից հասարակական տարբեր խավերի ներկայացուցիչների, բացահայտելով նրանցից յուրաքանչյուրի վարքն ու բարքը, «ազգային գործունեության» շարժառիթներն ու բնույթը: Իր իսկ խոստովանությամբ «մեր ազգին մեջ գտնված երեւելի անձերուն կենսագրութիւններն ընկելով՝ անհնց թերութիւններ» (II, 7) ցուցադրելով անաշատությամբ, Պարոնյանը ընթերցողին հանգեցնում է այն հետևության, թե ո՞վքեր են տնօրինում ժողովրդի ճակատագիրը, շահակրատում ազգի անունից և ի՞նչով են զբաղված: Նա ծաղրում և դատապարտում է իր նկարագրած անձերի խոսքի ու գործի հակասությունը, տիրողների հանդեպ ունեցած ստորաքաղաքականությունը: Լստ որում օգտագործելով նրանց կյանքի իրական փաստերը, կենսագրության հավաստի տվյալները՝ երգիծաբանն անխնա մերկացնում է տվյալ սոցիալական խավի հասարակական վարքագիծը:

Պարոնյանի գրիչն առանձնապես անողոք է հայ սլահայնողական և լիբերալ հոսանքների նկատմամբ: Այսպես, խ. Գալֆայանի, Հովհ. Չամուրճյանի, Ա. Հասունյանի դիմանկարներով սրամտորեն բացահայտված է կղերապաշտական հոսանքի հետադիմական էությունը: Ունենալով ընդհանուր գծեր՝ նշված «չոքերը», սակայն, միմյանցից տարբերվում են իրենց անհատական նկարագրով:

Ահա, օրինակ, Գալֆայանը, որ Պարոնյանի գրչի տակ բնութագրվել է որպես բռնահանգ ու բռնավանկ շահագործող խոսքի հեղինակ, կնոջ նման պըճնասեր, շահամոլ: Մաղթված են Գալֆայանի կեղծ բարեպաշտությունը, փառամոլությունը, հասարակական դիրքորոշումը: Երգիծաբանը մտրակել է նաև բազմաանուն հոգևոր գործչի անսկզբունքայնությունը: «...Շուր կարծիքներուն հետ ալ այնպես կը վարվի, ինչպես յուր մականուններուն հետ, միայն սա տարբերությամբ, որ կարծիքներն ինն օրը անգամ մը կը փոխե, մինչդեռ մականունները ինը տարին անգամ մը» (II, 15):

Նույնպիսի ցասմամբ Պարոնյանը դիմակազերծ է արել Չամուրճյանին: Ինչպես նախորդ, այնպես էլ սույն երգիծական դիմանկարը կերտելիս նա հետևել է նախնադյանի քննադատությանը: Կարելի է ասել, որ վերջինիս անմիջական ազդեցությամբ է, որ երգիծաբանը ծաղրել է թե՛ մեկին և թե՛ մյուսին: Շեղծված է Չամուրճյանի կղերամոլությունը, խավարամոլությունը. «Ամեն ճիգ կը թափեր դեերու դոյութիւնն հաստատել յուր գոյութեամբ» (II, 45), — գրել է Պարոնյանը և ավելացրել. «Երբ հայ թերթ մը փափաքեր քիչ մը լույս վառել, Պատվելին կուգար, կը փչեր զայն» (II, 47): Պապական կողմնորոշման տեր Չամուրճյանը ներկայացված է որպես լուսավորության թշնամի, թուրքական բռնապետության կամակատար, որին ամիրաները «կը քաջալերենին ոսկիներով, զորս անձնվիրաբար կառնէր Պատվելին» (II, 49):

Նույնքան և գուցե ավելի արգահատելի դեմք է Ա. Հասունյանը, մեկը հռովմեական այն հայերից, որոնք «նախապատիվ կը սեպեն իրենց ազգային իրավունքներն ս. պապին հողաթափներուն մեջ տեսնել, քան թե իրենց ձեռներուն մեջ» (II, 106): Լինելով կաթոլիկների համայնքի պարագլուխ՝ Հասունյանը քաջալիչ աշխատանք էր կատարում ազգային կյանքում, խորացնելով դավանաբանական վեճերն ու երկպառակությունը: Փառամոլ ու իշխանատենչ, ազատագրական շարժման հակառակորդ, աղդադավ, — այսպիսին է Հասունյանը, որի դիմակը պատռելով՝ Պարոնյանը գրել է. «Յուր գործերն բավական են ապացուցանել, թե հայու զավակ չէ...» (II, 107):

Պարոնյանի սատիրայի սլաքներն ուղղված են նաև հայ լիբերալիզմի դեմ. նա ծաղրել է ենթարկել բուրժուական մամուլն ու հրապարակախոսությունը, մտրակելով նրանց ներկայացուցիչների նյութապաշտությունը, իրական կյանքից կտրված լինելը, ազգային ռոմանտիզմը:

Առանձնապես բացասական է Պարոնյանի վերաբերմունքը պոլսահայ

այն խմբագիրների նկատմամբ, որոնք «...իրենց թերթերը միմիայն իրենց շահույց աղբյուր բռնելով՝ ...կը ծածկեն ճշմարտություն մը, երբ այն ժողովրդային օգտակար է, իսկ իրենց վնասակար» (II, 225): Նա ցույց է տվել այդ կարգի խմբագիրների պատեհապաշտությունը, շողոքորթությունը տիրողների առաջ, ծաղրել է լեզվի մաքրամոլությունը («...այն լուրերն, որոնց մեջ խորթ բառեր կը գտնվեին, բնավ չէին հրատարակվեր, որքան էլ օգտակար լլային լուր ընթերցողներուն»):

Պարոնյանը խստագույն քննադատության է ենթարկել ամիրայությանը, որն ինչպես հայտնի է, տիրապետող դիրք էր զբաղել հայ ազգային կյանքում: Նա ցույց է տվել, որ ամիրաները ժողովրդին խորթացած, անձնական բարեկեցության հետամուտ եսամոլներ են, որոնք «իրենց ձեռքուն համար հոյակապ ախոռներ կառուցանելն ետքը իրենց զավակներուն համար զբաղող մը շինելու զաղափարն հղացան» (II, 11): Բարձր պաշտոնների հասնելու համար պատրաստ են զոհաբերել ժողովրդի ազգային շահերը, նրա արժանապատվությունն ու լեզուն: Դրանք այնպիսի պաշտոնամոլներ են, որոնք «եթե աստիճանի մը բարձրանան՝ հայերեն խոսելու ուխտ կ'ընեն, եթե պատվանշան մ'ալ առնեն՝ հայերեն խոսողն ականջեն պատի մը վրա գամելու շափ հառաջ կերթան, և եթե քիչ մ'ալ բարձրանան՝ ազգային իրավունքներն աճուրդի կը հանեն...» (II, 232):

Լինելով վարպետ երդիծաբան՝ Պարոնյանը կարողացել է հումորի և սատիրայի տարբեր ձևերն օգտագործել նյութին համապատասխան, դրսևորելով իր վերաբերմունքը կոնկրետ երևույթի նկատմամբ:

Դա երևում է նաև «Մեծապատիվ մուրացկաններ» վիպակից, որը հեղինակի ծավալուն գործերից է և նշանակալի քայլ արևմտահայ վիպագրության զարգացման ճանապարհին: Եվ դա ամենից առաջ այն պատճառով, որ այդ վիպակը հատկանշվում է երևույթների ճշմարտացի արտացոլմամբ, կերպարների գեղարվեստական կոնկրետությամբ: Առաջին իսկ էջերից ծաղրելով ռոմանտիկ-էությունային երկերի հեղինակներին, որոնք իրենց գրվածքները «հետաքրքրական» դարձնելու համար դիմում են խորհրդավոր նկարագրությունների ու նյութի հետ կապ չունեցող շեղումների, Պարոնյանը շարադրանքը սկսում է պարզությամբ: Ուշագրավ է նաև, որ հեղինակի խոստովանությունն նկարագրված անցքը «ծավառակալից քեպի մ'է» (III, 7):

Եվ արդարև, նյութ առհեծով ժամանակակից կյանքից՝ Պարոնյանը սուր դիտողությամբ կարողացել է ճշմարտացիորեն բացահայտել անցյալ դարի երկրորդ կեսի պոստիմպրիս իրականության բազմազան կողմեր: Վիպակում պատկերված են հասարակական տարբեր խավերի՝ առևտրավաշխառական դասի, մտավորականության, աշխատավորության ներկայացուցիչներ, որոնցից լուրաբանչյուրի կերպարը մարմնավորում է տվյալ խավին բնորոշ գծեր:

Այդ առումով առավել խոր ընդհանրացում է Աբխուզում աղայի կերպարը, որը կենտրոնակա՝ տեղ է զբաղում շարադրանքում: Ամուսնանալու նպատակով Տրապիզոնից Պոլիս եկած այս վաճառականը Պարոնյանի գրչի տակ ստացել է բազմակողմանի բնութագիր: Նրա ծիծաղաշարժ արտաքինը, ապուշային նայվածքը, գոհհիլ ճաշակը, նյութապաշտությունը, «պատվավոր ազգային մը» երևալու փառամոլությունը, տգիտությունն ու եսամոլությունը ցուցադրված են կոնկրետ գործողության և կոմիկական հանգամանքների մեջ: Հեղինակին հաջողվել է ստեղծել այնպիսի տիպական դրույթներ, որոնցում տեսանելի են դառնում գավառական վաճառականի բնավորությունը և հոգեբանությունը, նրա բացասական էությունը:

Նկարագրվող կյանքի համար նույնքան բնորոշ կերպար է Մանուկ աղան: Մայրաքաղաքում ունենալով ծանոթության լայն շրջան՝ նա իր կապերն օգտագործում է անձնական շահերի համար: Մերկ շահի տեսանկյունից է նայում նույնիսկ իր՝ իբրեւ թաղական խորհրդի անդամի պարտականությունը: Եվ լթաքցնելով այդ թանուկ աղան խոստովանում է, որ քվե է տալիս նը-

րան, ով իրեն հյուրասիրում է: Այն էլ չետաքրքրական է, որ խոսելով մեկի մասին, որ «անոթությունն պիտի մեռնե» ասում է. «Վերջին թաղական անդամ ընտրվեցավ և... ինքզինքը ժողովեց» (III, 39): Չնայած առաջացած տարիքին, վերին աստիճանի շարժուն ու արագախոս անձնավորություն է, որը կնոջ ասելով՝ «առտըվնե մինչև իրիկուն սրճարանները կերթա, կը նստի, ազգային գործերու վրա կը խոսի...» (III, 18):

Վիպակում առավել ցայտուն պատկերացում է գտել «մեծապատիվ մուրացկանների» մի ամբողջ շարք «ոչ այնքան մեղադրելու նպատակով», ինչպես ասում է հեղինակը, «որքան ներկայացնելու համար ապագա սերունդյան՝ ժամանակիս գրական մարգոց ողբալի կացությունը...» (III, 101):

Եվ իրոք, դրանք բոլորն էլ կարոտ են փողի և մի քանի գրոշ կորզելու համար ստիպված շողոթորթում են եկվոր վաճառականին, փառաբանում նրան: Նրանց բնորոշ մյուս հատկանիշը խոսեցողությունն է, շատախոսությունը, որ նույնպես տաղտուկ կյանքի արդյունք է:

Այս ընդհանուր գծերի հետ միասին «մուրացկաններից» յուրաքանչյուրը անհատականացված տիպ է և ունի կոնկրետ նկարագիր, որը չի կարելի շփոթել ոչ մեկի հետ: Այսպես, առաջին մարդը, որ դեռ նավահանդստում դիմավորում է Աբիսողոմ աղային, խմբագիրն է՝ «բարձրահասակ, թիադեմ, փոքր աչքերով մարդ մը ուսերը տնկած, ձեռները շփելով և բռնազբոսյալ ժպիտով մը...» (III, 9): Առաջին իսկ պահից խմբագիրը դրսևորում է իր բարոյական թշվառությունը, քծնում Աբիսողոմ աղային, բնութագրելով նրան որպես «պատվական ազգային մը, շնորհալի երիտասարդ մը... վեհանձրն հոգի մը... հայրենասեր անձ մը...»:

Այնուհետև Աբիսողոմ աղային մեկը մյուսի հետևից ներկայանում են կեղծապարիշտ քահանան, անմուսա բանաստեղծը, թեթևամիտ լուսանկարիչը, փողապաշտ միջնորդ կինը, «երևելի ազգային հիվանդ» որոնող բժիշկը, աղքատ ու արհամարհված ուսուցիչը, «գատերու» սիրահար փաստաբանը, թշվառ դերասանը, ազգային սափրիչը... Սրանցից յուրաքանչյուրը ներկայացնում է կյանքի որևէ պատկեր և ունի տիպական գծեր: Դրան զգալապես նպաստել է այն հանգամանքը, որ երգիծաբանը կարողացել է ուսեղծել այնպիսի ծիծաղելի դրուժյուններ, որոնցում բացահայտվում է ոչ միայն ազգային մեծատունի (Աբիսողոմ աղայի) անտարբերությունն ու արհամարհանքը «մեծապատիվ մուրացկանների» հանդեպ, այլև սրանց «ողբալի կացությունը»: Այնքան կենդանի ու տպավորիչ են «մուրացիները», որ թրվում է, թե կյանքից են մտել գրականության մեջ. մենք տեսնում ենք յուրաքանչյուր անձի նկարագիրը, շարժումները, լսում ամեն մեկի խոսվածքն ու հուսահատ հոգու ճիւղը:

Նույնքան անմոռաց տպավորություն են թողնում բեռնակիրները, որոնցով հեղինակը ներկայացրել է աշխատավորական խավը: Դրանք պանդուխտ գյուղացիներ են՝ ազնիվ ու վեհանձն, բարձր բարոյականության տեր մարդիկ, որ ապրում են սեփական քրտինքով: Նավահանգստում համարձակորեն մոտենում են Աբիսողոմ աղային և իմանալով, թե որ փողոցը պիտի գնա, վերցնում են նրա սնդուկները և արագ ու ապահով հասցնում տեղ. «...մինչդեռ ես շատ ատենաբաններ մտիկ քրած եմ,— սրամտում է Պարոնյանը,— որ յաթը ութը ժամ շարունակ խոսելով չեն կարողացած իրենց փնտրած փողոցը գտնել» (III, 15—16): Մանուկ աղայի կնոջ հետ ունեցած խոսակցության ընթացքում բեռնակիրները դրսևորում են պարզամտություն, հաստատակամություն և արժանապատվության զգացում: Նրանց խորթ են նվնվոցն ու դատարկախոսությունը, խոսակցին դուր գալն ու շողոթորթելը: Նույնիսկ այն ժամանակ, երբ տանտիրուհին հայտնում է, թե «վաղը եկեք» վարձը ստանալու, բեռնակիրները լռելյայն հեռանում են, առանց որևէ դժգոհության, որովհետև «վաղը բառն ամեն օր լսելու վարժված էին» (III, 18): Ակնհայտ է հեղինակի համակրանքն ու սերը այս աղքատ, հասարակ, բայց հոգեպես հարուստ մարդկանց նկատմամբ:

Սոցիալական երգիծանքը Պարոնյանի մոտ հաճախ սերտաճում է ֆա-
ղափական սատիրային: Ինչի մասին էլ գրել է նա՝ կենցաղային, թե հաս-
րակական երևույթների, միևնույն է, բոլոր դեպքերում էլ բացահայտում է
դրանց քաղաքական իմաստը և հանգում նոր ու անսպասելի հետևություն-
ների:

Պարոնյանի քաղաքական սատիրան իր սուր ծայրով ուղղված է ժողո-
վրդին ճնշող ամեն դույնի կեղեքիչների ու բռնակալների դեմ: Նրա ծաղրի
մտրակը շեշտակի հարվածներ է հասցրել ազատագրական շարժման հակա-
ռակորդներին, որոնք փորձում էին հնազանդության ու ստրկության մեջ պա-
հել մասսաներին:

Պարոնյանի քաղաքական սատիրան նոր թափ առավ անցյալ դարի
70-ական թթ. վերջերին, երբ հրապարակի վրա դրվեց Հայկական հարցը:
Վերջինս, որ սերտորեն կապված էր Արևելյան հարցի հետ, դարձավ միջազ-
գային դիվանագիտական խաղերի առարկա: Եվ տեղին է նշել, որ մեր եր-
գիծաբանը զարմանալի խորաթափանցությամբ տեսավ ու մերկացրեց մեծ
տերությունների դիվանագիտական քայլերի խորամանկ ու հակահայկական
բնույթը: Այդ իմաստով հատկապես տպավորիչ են «Կամիթներ» և «Հոսհո-
սի ձեռատետրը» երկերը, որոնք իրավամբ համարվում են հեղինակի քա-
ղաքական սատիրայի լավագույն արտահայտությունները: Դրանց մեջ Պա-
րոնյանը ճշմարտադրորեն բացահայտել է ուս-թուրքական պատերազմի և
հետագա տարիների իրադարձությունների իմաստը, հստակորեն մեկնաբա-
նել կատարվող երևույթները և ճիշտ կողմնորոշել ընթերցողին:

Որպես հայ դեմոկրատիայի մարտնչող երգիծաբան Պարոնյանը, ինչպես
և պետք էր սպասել, կրակի տակ է առել սուլթանական Թուրքիայի ներ-
քին ու արտաքին ֆաղափականությունը, բացահայտել նրա հակաժողովրդա-
կան էությունը:

Չնայած օսմանյան գրաքննության հետզհետե սաստկացող խստություն-
ներին, որոնց պատճառով հաճախ խափանվում էին իր հրատարակած պար-
բերակները, Պարոնյանը, սակայն, երբեք չընկճվեց: Նա անվհատ հոգով
շարունակեց խարազանել սուլթանական ռեժիմը, որը ծանր կացություն
էր ստեղծել երկրի քրիստոնյա ժողովուրդների, այդ թվում և հայերի հա-
մար: Երգիծաբանը բազմիցս ցույց է տվել թուրքական կառավարության դա-
ժանությունը արևմտահայության նկատմամբ, չխամրող գույներով պատկե-
րել էլետական պաշտոնյաների գործած խժժությունները, որոնց զոհ էին
դառնում հազարավոր անմեղ մարդիկ: Տակավին 1875 թ. նոյեմբերին Պա-
րոնյանը խոր վշտով գրել է. «Հայաստանն հասած լուրերն վերջապես կը
հայտնեն, թե հարստահարությունը Մշո կուսակալ կարգված է, թե՛ հարստա-
հարություն է Մուշը կառավարողը» (X, 67): Խոսելով նույն զավառում տի-
րող Վրուկյան մասին՝ նա հավաստել է. «Չկա հոն ո՛չ ստացվածքի ապահո-
վություն, ո՛չ կենաց ու ո՛չ ալ պատվո երաշխավորություն, այլ կա հոն
հափշտակություն, մարդասպանություն, պատվո բռնաբարում...» (ն. տ.):

Իրապաշտ գրչով արձանագրված այս տողերը բացահայտում են այն
ծանր ու անտա՛նելի պայմանները, որոնցում գտնվում էին արևմտահայերը:
Երգիծաբանի վկայությամբ նրանք ոչ թե հպատակության, այլ գերության
լծի տակ էին, դատապարտված «միայն տուրք վճարելու և հարստահարվելու»
(X, 68—69): Պարոնյանը ցույց է տալիս, որ հպատակ քրիստոնյա ժողովուրդ-
ները շունեն գույքի ու կյանքի ապահովություն, խղճի ու խոսքի ազատու-
թյուն: Ավելին, «թուրքերը մեծ ցավ կզգան՝ երբ հայերը հարստահարութե-
նն փրկվին» (IV, 393).— ասում է երգիծաբանը և շեշտում երկրում տիրող
ազգային խտրականությունը, ճնշումն ու հալածանքը, որոնց ենթարկվում
էին հայերը: «Աս ի՞նչ անիրավություն է,— գրել է Պարոնյանը,— հավասա-
րություն կ'ըսեն և խտրությունը չեն վերցնեն» (IV, 274): Երկրում սավառ-

նում է սուլթանի հայահալած կամքը. «Վա՛յ անոնց, որ կը հանդգնին Հայաստան բառն արտասանել» (VI, 447): Թուրք կառավարությունը հայ զբաղվածառնների խանութներից հավաքել է հայոց կեռն վեցերորդ կուսիյան թափաղորի լուսանկարները և «կըսվի թե զանոնք հրացանի պիտի բռնել տա...» (IV, 460), «Ամեն օր կը ձերբակալվին և կը բանտարկվին Հայկա և Վարդանա պատկերներն» (IV, 475) և այլն:

Մրանք փաստեր են, որ ցուցադրում են Թուրքիայում ապրող հայերի ծանր կացությունը և միաժամանակ երկրում տիրող կամայականությունը: «Թուրքիո մեջ բան մը ընել անկարելի է... Թուրքիո մեջ ամեն բան կարելի է» (IV, 379), — ասում է Պարոնյանը և դա հաստատում նոր տվյալներով:

Հայտնի է, որ 1376 թ. թուրք ելուզակները հարձակվում են Վանի հայերի վրա, խալանում բոլոր խանութները, սպանում մարդկանց: Եվ այդ ավերածությունները թուրքական մամուլը ներկայացնում է որպես հրդեհի արդյունք: Այդ առթիվ Պարոնյանը գրել է. «Իմացա՞ք սա բարբարոս կրակին Վանա մեջ գործած անիրավությունները, ամբողջ շուկան մոխիր դառնունել են հոքը շատ մը ապրանքները առեր փախեր է... Բայց ինչ որ ալ ըլլա, վստահ եմ, որ Վանա բարեխնամ կառավարությունը ասոնց շարաքարոհրակները պիտի ձերբակալեն... ձեռքով ալ չբռնվիր, որ ձերբակալեն» (IV, 118—119):

Սնցողակիորեն նկատենք, որ այստեղ, ինչպես և այլուր, երգիծաբանը «բարեխնամ» ածականը գործածում է հեգնանքով, հակառակ իմաստ դնելով. նրա մեջ, դրանով իսկ ավելի ընդգծելով թուրք կառավարության հակամարդկային վերաբերմունքը իր հպատակների նկատմամբ: Դրա ցնցող աբսուրդություններին է այն դեպքը, որ պատմում է Պարոնյանը. ցույց տալով, թե ինչպես խղճի ու դավանանքի ազատություն հռչակած երկրում մոլեգնում է անիշխանությունը: Սեբաստիայում թուրքերը «թմբուկով եկեղեցի կը մտնեն ու պատարագիչ քահանային մորուքը ածխելով եկեղեցիվուն մեջտեղը կը խաղցունեն: Ահա դեպք մը, որուն հարստահարություն անունը չհնք կրնար տալ, որովհետև գործին մեջ ո՛չ դանակոծություն կա, ոչ ալ սպանություն, այլ խնդություն և ցնծություն» (IV, 126):

Այս և նման փաստերը վկայում են երկրում տիրող բացարձակ անօրինականություն, հայերի նկատմամբ սուլթանական կառավարության վարած դաժան քաղաքականության մասին: «...Հայերը գավառացի մեջ անոթութենն կը մեռնին կոր» (IV, 189), «գավառացի ազգայինները «ամեն օր ծեծ կուտեն» (IV, 313), «Հայաստանի մեջ հարստահարությունները կը շարունակվին» (IV, 416) և այլն: Այսպիսիք են երգիծաբանի դիտած և արձանագրած փաստերը: «Զեմ կրնար զարմանքս բռնել, — գրել է նա, — երբ կը տեսնեմ, որ սահմանադրության հրատարակվելին հոքն ալ դավառացի մեջ հարստահարություններ կըլլան...» (IV, 210): Դեռ ավելին, «անիրավությունք առաջվնն ավելի կանոնավոր կերպով կը շարունակվին Հայաստանի մեջ» (IV, 311):

Այսպիսին էր արևմտահայերի վիճակը թուրքական բռնապետության լծի տակ, ուր լայն չափերի էին հասել պետական պաշտոնյաների անկարգություններն ու սանձարձակությունները: Պարոնյանի խոսքերով ասած՝ թուրք «պաշտոնյաները մեկ մեկ ավազակ լինելով» (IV, 442) կողոպտում էին հայաբնակ գյուղերը, «գավառներու մեջ հարկահանները տուրքերու հավաքման» (IV, 493) ժամանակ գործում էին բարբարոսաբար: Նույնիսկ թուրք զորամասերը զբաղվում էին թալանով: Բայց զավեշտականն այն է, որ սուլթանական պաշտոնյաները չէին խորշում կողոպտել նաև միմյանց: Պարոնյանը պատմում է, որ մի գավառապետ իր պաշտոնատեղին գնալիս ձերբակալվում է ավազակների կողմից: Վերջիններս «իրենց պաշտոնակիցը մերկացնելով, — շարունակում է երգիծաբանը, — ըսած են անոր. մեզի դեմ միշտ գանգատներ կը գրվին Կ. Պոլիս, իսկ քեզի համար շնորհակալություն նա-

մականեր. մինչդեռ դու և մենք միևնույն արհեստը կը գործածենք տարրեր եղանակներով» (IV, 439)։

Թուրք պաշտոնյաների հատկանշական գծերից էր կաշառակերությունը։ Մի առիթով երգիծաբանն ասում է. Թուրքիայում «պաշտոն վարողներն ամենն առաջ» «ուտեմ» բայն են սովորում (IV, 426)։ Իսկ մի ուրիշ անգամ նա նշում է, որ թուրք լրագիրները պարծանքով հայտարարել են, թե «պայրամի առթիվ պաշտոնյաներուն ամսական պիտի տրվի... ցավալին այն է,— շարունակում է Պարոնյանը,— որ տարին մեկ երկու պայրամ ունին. մյուս ամիսներն ի՞նչ կուտեն պաշտոնյաները։

— Կաշառք... մանավանդ Հայաստանի մեջ» (IV, 460)։

Կաշառակերություն, գողություն, վայրագություն,— ահա թուրք պաշտոնյաների վարքի ու գործողության հատկանիշները, որ համարձակորեն մերկացրել է Պարոնյանի սարկաստիկ գրիչը։ Այդ առնչությամբ հատկապես հիշարժան է «Հոսհոսի ձեռատետրը» (1880)։ Օգտվելով Կովկասում («Փորձում») տպագրվելու հնարավորությունից՝ հեղինակը այստեղ կարողացել է համեմատաբար ազատ արտահայտվել իրեն հուզող քաղաքական խնդիրների մասին և հանգել ժխտական հետևության թուրքական բռնակալության հանդեպ։

Իր իսկ խոսքերով ասած՝ «ազգին շանը միայն առաջնորդ առնելով» (X, 662), Պարոնյանը քայլել է ժամանակին համընթաց և հետևողականորեն ծաղրել ու մերկացրել թուրքական պետության ոչ միայն ներքին կյանքը, բիրտ ուժով, այլև արտաքին քաղաքականությունը։ Դրա բնորոշ արտահայտություններից է նաև հետևյալ փաստը. Արևմտյան Հայաստանում պահանջվող բարենորոգումների «անհիմն լինելը» ապացուցելու համար Թուրքիան աշխատում էր կեղծ վիճակագրությամբ ցույց տալ հայերի փոքրամասնությունը նույնիսկ այնպիսի հայաբնակ վայրերում, ինչպիսիք են Վանը, Կարինը, Դիարբեքիրը և այլն։ Երգիծաբանը վճռականորեն ծառանում է այդ կեղծիքի դեմ՝ հայտարարելով, թե նշված քաղաքներում «հայերը 17 տոկոսը կը կազմեն»՝ ըսել է թե 53 տոկոսը վերջերս կամ քյուրտերեն սպանված են և կամ այդ վիճակագրությունն ընող պաշտոնյաներեն» (IV, 394)։

Պարոնյանը ոչ մի հույս չունի, թե թուրք կառավարությունը կարող է բարելավել արևմտահայության վիճակը, հայկական նահանգներում կիրառել բարենորոգումներ, Եվրոպան խաբելու համար,— ասում էր նա,— «թուրք կառավարությունը թեև երբեմն-երբեմն գործածում է բարենորոգում բառը, բայց չպետք է հավատալ, միևնույն է, «բարենորոգում չպիտի ըլլա...» (IV, 400)։ Դրա փոխարեն նա ազատություն է տվել բոլոր տիպի ավազակների «հայերու ստացվածքն, կյանքն և պատիվը բռնաբարելու...» (ն. տ.)։

Վայելելով մեծ տերությունների հովանավորությունը՝ Թուրքիան անարգել առաջ էր տանում բռնության և ջարդերի քաղաքականությունը, որը խրատորեն դատապարտում է Պարոնյանը։ Հայտնելով, որ բարեբախտաբար բանտարկության լուր չեկավ այսօր Սեբաստիայից, նա գրել է. «Ծն կը կարծեմ, թե կուսական Սեբաստիո բոլոր հայերը բանտարկած է և, հետևապես դուրսը մարդ չէ մնացած... Տանկատանին մեջ բանտ... բանտին մեջ բանտ...» (IV, 476)։

Թուրքիան, հիրավի, ժողովուրդների բանտ է, վայրագության ու ջարդերի երկիր, որտեղ ինչպես երգիծաբանն էր ասում՝ «գավառական իշխանությունները դուցազնական քաջությամբ կը գործեն միշտ, երբ հարկ ըլլա ձեռքալալն անմեղները» (II, 189)։

Եվ ահա այդ անմեղ մարդկանց ու ազգերին սուլթանիզմի ճիրաններից ազատելու համար Պարոնյանի խորին համոզմամբ մի ելք է մնում. վերացնել թուրքական բռնապետությունը։ Նշելով, որ մայրաքաղաքում չկա մի փողոց, որտեղ խանութների ճակատին քաշված չլինի ճերմակ լաթ՝ վրան գրված լիկվիդացիոն բառը, երգիծաբանն առաջարկում է, որ լավագույնը կլինի այն, որ քաղաքատարած հավաքեր այդ լաթերը և «մի մեծ լաթ

կարել տալով՝ նորա վրա ոսկեզօծ տառերով լիքվիտասիոն դներ և այդ լաթըն իբրև դրոշակ մայրաքաղաքին դնենուն վրա պարզեր» (IV, 392):

Թափանցիկ ու խորիմաստ ականարկ է սա, որ դրսևորում է հումանիստ երգիծաբանի տենչանքը՝ վերացված տեսնել սուլթանական բռնատիրությունը: Բայց նա գիտակցում էր նաև, որ այդ բռնապետությունն իր գոյությունը պահպանում է շնորհիվ արևմտաեվրոպական տերությունների, որոնք, սակայն, իրենց շահերից մղված, դիմում էին ամեն տեսակի դիվանագիտական խաղերի:

Համարձակորեն կարելի է ասել, որ Պարոնյանը առավել, քան ժամանակակիցներից որևէ մեկ ուրիշը, փայլում էր քաղաքական հոտառությամբ, միջազգային երևույթների մեջ թափանցելու զարմանալի ընդունակությամբ: Դրա շնորհիվ նա կարողանում էր ճիշտ ընկալել իրադարձությունների ներքին իմաստը և հանգել ճիշտ հետևությունների:

Արտահայտելով հայ ժողովրդի արմատական շահերն ու ձգտումները՝ մեծ երգիծաբանը խիզախորեն ծառանում էր եվրոպական գաղութարարների դեմ, ցույց տալիս նրանց քաղաքական նպատակները՝ Արևելյան հարցի առնչությամբ: Նա հավաստում էր այն ճշմարտությունը, որ այդ պետություններից ոչ մեկին չի հուզում հայ ժողովրդի ճակատագիրը, որ նրանք դիվանախոտական գործարքներով ձգտում են միայն ազդեցիկ դիրք գրավել Մերձավոր Արևելքում: Դրա համար էլ նրանցից յուրաքանչյուրը որոնում է դաշնակից և գաղտնի ու բացահայտ նախապատրաստվում պատերազմի:

Բնորոշ է, որ ռուս-թուրքական պատերազմի նախօրյակին արգեն Պարոնյանը ղեկում էր, որ թեև ամենուրեք հնչում էին խաղաղության խոսքերը, բայց մեծ տերությունները փաստորեն պատրաստվում էին պատերազմի: «Ըստ մեզ, — գրել է նա 1876 թ. նոյեմբերին, — ամենե՛ն հավանականը սա է, որ այս մարդիկ լեզվով խաղաղությունը պիտի պահեն ու գործքով խաղաղությունը պիտի խանգարեն» (IV, 98):

Արևմտաեվրոպական պետություններին նենդ քաղաքականությունը ավելի բացահայտ դարձավ պատերազմի տարիներին, երբ նրանք իրենց գաղութական նկրտումները հորձում էին ըողարկել քրիստոնյաների դրությունը բարելավելու ծխածածկությամբ: Այդ կեղծիքը քողազերծ անելով՝ Պարոնյանը գրել է. «Դիվանագետներ, քաղաքականներ, կայսրեր, ամենքը միաբերան «քրիստոնեից վիճակին բարվոքում» կըսեն, ի վերա այս ամենայնի ես իմ վիճակիս մեջ բարձրում մը չեմ կրնար կոչ տեսնել» (IV, 265): Նա շարունակ ընդգծում էր, որ մեծ տերություններին ու նրանց դիվանագետներին հետաքրքրում է մի հարց՝ «որո՞ւ ձեռքը Դարգանի վրա պիտի մնա» (IV, 282):

Նվ սա էր մտահոգում եվրոպայի պետական ու դիվանագիտական այն գործիչներին (Գլադստոն, Գորչակով, Բիկոնսֆիլդ, Բիսմարկ, Իզնատե, Սուլթանի և այլն), որոնք այս ու այն չափով բնութագրվել են երգիծաբանի գրչի տակ: Դրանք թեև հանդես էին գալիս քրիստոնյա ժողովուրդների «պաշտպանի» դիմակով, բայց ըստ էության հետապնդում էին նվաճողական նպատակներ: Դրանց էր ծառայում դիվանագիտությունը, որը Պարոնյանի արտահայտությամբ, եթե «սիրուն կողմ մ'ունի՝ այն ալ յուր լեզուն է: Իր անուշ ու քաղաքավարական լեզուն մյուս բոլոր թերությունները կը գոցե» (IV, 267): Այդ դիվանագիտությունը «քաղաքավարությամբ կըսե. «Սահմանս պիտի շտկեմ քիչ մը», «Տեղս շատ նեղ է», «Սահմանս պիտի ընդարձակեմ», «Սահմանս, սահմանս և դարձյալ սահման» (IV, 268):

Նման «քաղաքավարությամբ» գործող դիվանագետների բուն էությունն է մերկացրել երգիծաբանը, ասելով. «Ասոնք մեր գիտցած ու ճանչցած չափավածներն շատ վեր են: Աստվածներուն կենդանիներ կը զոհեն ասոնց մարդ կը զոհենք ու հարյուր հազարներով կը զոհենք» (IV, 280):

Պատռելով եվրոպական դիվանագիտության դիմակը՝ Պարոնյանը բա-

քահայտել է մեծ տերությունների քաղաքականության զավթողական միտումները, մերկացնելով դրանց հակաժողովրդական բնույթը:

Նա առանձնապես կծու լեզվով է արտահայտվել Անգլիայի մասին, ցուցադրելով վերջինիս զավթամոլությունը: Ինչպես հայտնի է, Ռուսաստանի առաջխաղացումը կասեցնելու համար Անգլիան դիմում էր վճռական քայլերի և իր նավատորմիղը մտցնում Թուրքիայի ջրային տարածությունը, հասնում Պոլիս. «Անգլիական նավատորմիղը վերջապես դառնվեցավ,— ասում է երգիծաբանը:— Կղզիներուն առջև եկեր նստեր է... առաջ գալու կամրնա կոր»:

Ինչո՞ւ եկավ այս նավատորմիղը:

Հանգիստ եղեք, շարություն ընելու համար եկած չէ, բարություն ընելու համար ալ եկած չէ, միմիայն Արևելքի մեջ յուր պատիվը կոտրել չտալու համար եկած է եղեր...» (IV, 271):

Ասված է պարզ ու որոշակի. Անգլիան ձգտում էր տիրապետող դիրք նվաճել Արևելքում, ուստի և իր նավատորմիղը շարժում է դեպի Իզմիրի ծովածոցը. «Ի՞նչ Անգլիա, հպատակներդ պաշտպանելու՞ համար ճամփու հանցիկը նավատորմիղդ, թե նավատորմիղդ համար տեղ մը փնտրելու համար» (IV, 282):

Բերված տողերից դժվար չէ գդալ հեղինակի խայթող ծաղրը այն երկրի նկատմամբ, որն իր զավթողական ձեռնարկումները աշխատում էր սքողել կեղծ մարդասիրությամբ, «հպատակներին պաշտպանելու» պատրվակով: Հենց այդպիսին է Անգլիան, որի շահամոլ ու երկդիմի քաղաքականությունը վճռականորեն մերկացրել է Պարոնյանը: Նա մի առիթով նշել է, որ Անգլիան հաճախ է նավային ցույցով սպառնում Թուրքիային, թե երբեք չի իրագործում այդ սպառնալիքը: Մաղրելով այդ երևույթը՝ սատիրիկն առաջարկում էր ոչ թե նավերը, այլ դրանց լուսանկարները «շրջանակի մեջ անցունելով» ուղարկել Պոլիս, «Բ. դռան մեջ պատե մը կախենք» (IV, 419):

Նույնպիսի անողորժությամբ Պարոնյանը ծագրել է բիսմարկյան Գերմանիայի տիրակալական մարմաշը: Մերկացնելով Բիսմարկի այն հայտարարությունը, թե «Դարդանելն որու ձեռք պիտի մնա», Պարոնյանը գրել է. «Մեր կարծիքը ծուռ, մեր համոզումը սխալ եզեր է. Պիսմարք իշխանին խոսքեն աս կը հասկըցվի, ո՞ր Դարդանելն ալ այս օրերս կնքվեր ու քրիստոնյա է եղեր» (IV, 282):

Պարոնյանի սատիրայի հարվածներից զերծ չի մնացել նաև Ֆրանսիական, իտալական և ուրիշ պետությունների զավթողական քաղաքականությունը: Նա քննադատական, բացասական վերաբերմունք է ցուցաբերել ցարական Ռուսաստանի, ամերիկյան միսիոներների հանդեպ, որոնք նույնպես որոշակի նպատակներ էին հետապնդում Արևելքում: Կապիտալիստական պետությունների միջև եղած հակասությունները երբեմն հասնում էին այնպիսի լարման, որ նույնիսկ միմյանց չէին վստահում: Հատկանշական է հետևյալ երևույթը, որ սրամտորեն ծաղրել է մեր երգիծաբանը: Հայտնի է, որ Թուրքիան պաշտպանելու պատրվակով ակտիվորեն գործում էին Անգլիան և Ռուսաստանը. մեկն իր նավատորմիղով, մյուսն իր զորքով եկել կանգնել էին իրար դեմ առ դեմ: Եվ ահա հարկավոր է հեռանալ, բայց ոչ մեկը ետ չի քաշվում՝ հավատ չընծայելով մյուսին. «Ջարմանալի բան... ճաթելու՞ բան... անոթի մնալու բան...», — ասում է Պարոնյանը, — առաջ Կ. Պոլիս մտնելու համար կռիվ կընեն, հիմա ալ ելնելու համար» (IV, 275):

Եվ սա բնորոշ է զավթողական նպատակներ հետապնդող մեծ պետություններին, որոնց դիվանագիտական հաշիվների մեջ թույլ ու փոքրաքանակ ժողովուրդներն օգտագործվում էին սոսկ որպես մանրադրամ:

Դրանում համոզվելու համար բավական է հիշել Հայկական հարցի նըկատմամբ եվրոպական պետությունների բռնած դիրքը, որը նույնպես հետևողականորեն քննադատել է Պարոնյանը: Նա ոչ մի հույս չէր կապում

Բեռլինի կոնգրեսի հետ և ցավով նշում էր նրա բերած «օգուտը» հայ ժողովրդին: «Ծթե այս օգուտներուն երեւակայականը մեկդի նետելով իրականին դառնանք,— գրել է երգիծաբանը 1879 թ. նոյեմբերին,—սա օգուտը կը գրտնենք, որ առաջ գավառներու մեջ եթե տարին հարյուր հոգի կսպանվին՝ այսօր հազար կսպանվին և այս ալ մեծ օգուտ է անշուշտ» (II, 56):

Պարոնյանի խորին համոզմամբ «եվրոպայե՛ն բաբի՛ն հուսալը պառապան է...» (IV, 467): Ուստի նա զդաստացնում էր այն միամիտ մարդկանց, որոնք մեծ հույսեր էին կապում Եվրոպական պետությունների խոստումների հետ և կարծում էին, թե նրանք կօգնեն արևմտահայերին՝ սուլթանական թից ազատագրելու համար: Զո՛ւր հույսեր: Այդ պետությունների դեսպանները, Պարոնյանի վկայությամբ, հաճախ Պոլսում գումարում էին նիստեր կամ ինչպես հայտնի էին՝ դեսպանաժողովներ, որոնք երգիծաբանի հավաստմամբ ոչ մի լավ բան չէին խոստանում հայ ժողովրդին: Դեսպաններից «յուրաքանչյուրն յուր շահուն վրա խոսեցավ» (IV, 74),— ասում է Պարոնյանը և ամենայն խոստությամբ մտրակում այդ դեսպանաժողովները: Նա նշում է, որ դեսպանաժողովը մինչև հիմա թեև ունեցել է վեց նիստ, բայց «մեկ նիստ չարժեր», որովհետև զբաղված է դատարկախոսությամբ:

Դա բնորոշ է շաղկրատանքի մեջ մարզված դեսպաններին, որոնք երգիծաբանի ասելով՝ «...հայկական խնդրուն վրա միշտ կը խորհրդակցին, բայց արդյունքը դեռ հայտնի չէ» (IV, 419):

Եվ դա հասկանալի է, քանի որ դեսպանները Հայկական հարցը շահարկում էին իրենց հաշիվները կարգավորելու համար: Ահա թե ինչու, երբ հարց է գրվում, թե «դեսպանախորհուրդը ո՞ւր պիտի գումարել», ո՞ր երկրում, որ «Արևելյան խնդիրեն շահ չունենա», Պարոնյանը հեգնորեն պատասխանում է. «Հայաստանին մեջ գումարեն թող, որ առայժմ բնավ շահ մը չունենալեն զատ բավական վնաս ալ տեսավ» (IV, 281):

Այսպիսով, մեծ երգիծաբանը հեռատեսորեն մերկացրել է եվրոպական տերությունների խարդախ քաղաքականությունն ու դիվանագիտական խազերը հայ ժողովրդի ճակատագրի նկատմամբ: Նա ցույց է տվել, որ չպետք է հավատալ նրանց խոստումներին, փարիսեցիական վերաբերմունքին, կեղծ հայասիրությանը:

ВЕЛИКИЙ АРМЯНСКИЙ САТИРИК

(К 100-летию со дня смерти Акопа Пароняна)

Г. А. САРКИСЯН

Резюме

А. Паронян (1843—1891) по праву считается непревзойденным мастером армянской сатиры. Он обогатил родную литературу величайшими произведениями и занял достойное место в ряду лучших сатириков мира. В начале статьи анализируются произведения социальной сатиры А. Пароняна («Дядя Багдасар», «Национальные столпы», «Высокоцитимые попрошайки»), а затем подробно исследуется его политическая сатира. В таких произведениях как «Щипки» и «Дневник Ососа» стрелы политической сатиры А. Пароняна поражают не только высшие слои армянского общества и его идеологов. Основная критика направлена на внутреннюю и внешнюю политику султанской Турции, разоблачаются ее дипломатические игры с западно-европейскими державами.